



重修卓鼎卓氏宗譜序

重修卓鼎卓氏宗譜序

嘗讀周禮春官一冊其間掌邦志者則設有小史一官所以覓繫世
辨昭穆也志之所係不綦重哉知志之重則譜可推矣余嘗見世之
藐視譜牒而置之勿葺者泊乎世遠年湮先人之生卒祖宗之墳墓
類多遺忘或系出一本而索處他鄉卒之奉越以相視致使紛紜舛
錯卑踰尊疎間親有有之其鑿可勝道哉西河卓氏係明

洪武進士歷官戶部侍郎諱敬字惟恭 諡忠貞公之苗裔也嘗

忠貞公罹夷滅禍其時子孫蕩析離居或承或平或梁不一而足各
自立有一祖以崇祀典惟吾邑卓鼎以方煦公為始祖方煦公乃
忠貞公三世孫也其派下子孫三房并璇路派共四房焉瓜瓞綿延
煙居稠密洵巨族也自同治辛未年陳君載之修葺以來迄今二十
餘年星霜屢易裘葛頻更倘非重興修訂竊恐子孫蕃衍婚嫁日臻
久之將不免遺漏紛紜矣是歲辛丑春二月間卓氏中馭中植中爾
克翔克璧克譜克揚克艷克悟熙九諸宗董會議纂修仍委其任於

陳君載之載之按舊帙理支脉叙雁行朗若列眉惟閱其諱行以
思貞公之諱敬字爲首似覺不合不若轉易惟字爲是不數月而功
將告竣邀同槐三睦如兩君等攜譜到舍乞余一言以志其簡端一
切纂輯皆載之陳君自任之余接閱其譜竊嘆陳君眞熟悉歐蘇治
譜之法庶俾後之君子按譜重修若網在綱有條而不紊也至於舊
帙之抄錄者今轉易爲印刷猶其小焉者矣余是以不揣固陋遂佈
俚言以弁於其首云是爲序

昔

光緒二十七年歲次辛丑 一陽月

穀旦

歲進士候選儒學正堂文甫董慶恩拜 撰

開列歷來重修記

皇清康熙三十二年壬申

主修

朱

有序見下

乾隆八年癸亥

主修
司事

陳浩

子瑞

子佩

子斌

君爵

乾隆三十八年癸巳

主修
司事

林時萃

君友公

子安

子文

哲振

哲雲

哲錦

協修

周維新

卓文齋

嘉慶五年庚申

主修

金

有序見下

道光壬寅年

大總裁

彭

有序見下

同治辛未年

大總裁

林

有序見下

續修卓魯宗譜序

族之有譜所以明出處列世系者在是所以序昭穆別長幼者在是所以敦人倫而厚風俗者亦在是猶之春秋爲國之史可有而不可無者也粵稽三皇以前無聞無紀五帝以後人道備焉天子因生以賜姓諸侯因分氏以命族民統大小宗之法燦若指掌雖無譜可也至春秋戰國居無定處士無世家封建廢五等之爵無開井田壞則死徙有出鄉而祭有不于宗子之家宗之爲宗名雖存而實則無尚可言哉迨至宋歐蘇二公始有譜牒之作後之學士大夫重而效之尊其所尊不敢忽其卑親其所親不敢遺其疎由是宗族睦禮義生譜之有裨於宗者顧不重哉今卓氏始祖自大漢中葉來居甌郡瑞邑至宋末年或遷於平或徙於永亦或散處於東西鄉者不一而足吾卓衆始祖爲方照公前路始祖爲文訓公皆自大明國初而卜處也幸有新之公與令子君發思祖德之殷遙慨從前之世澤而旁搜博採組成全帙吾卓氏諱敬公者標名青史聲施奕 至今炳炳朗

七昭人耳目焉若夫高大其門閭惟冀後有孝子慈孫秀良輩出睹
簡冊而興思思前賢以啓悟砥礪奮發以紹顯烈以繼前休庶乎世
濟其美而無忝於先人矣詩曰繩其祖武式穀爾後予於卓氏有深
望焉

音

大清康熙三十二年壬申姑洗月望後

穀旦

姻人朱慶萬頓首拜 撰

重修卓氏宗譜序

禮云物本乎天人本乎祖本乎祖者支分派衍本乎天者變化萬千
不可勝紀善哉譜之作也有以綜其全而無遺次其倫而不亂庚申
春卓氏敬亭公議修宗譜以余纂修東田家乘頗知蘇楷遂與叔氏
子賀公以纂輯大任託余迄今梅月初旬余適客東田敬亭公使堂
姪允全先日致意繼偕哲聰哲明及哲魁哲純哲善諸公來東田而
延余也乃與諸公詣卓魯見子俊雲如二長者清談娓娓素髮蕭蕭
坐余於敬亭公之蘭桂軒遂焚香告廟出宗譜授余也閱舊譜牒實
錄然後慨然而知卓氏之發源其所從來者遠矣始於大宗諱簡者
肇基甌郡數傳濤三公以甲第顯天俊公以孝行傳又數傳海三惟
恭公忠貞貫日大震於明矣由是生齒日繁人文聿起方煦公始居
章舉文訓公分遷泉路之二公者雖不能以功名宦業著天下而經
營創始亦皆承先啓後之有賴焉猗歟休哉何其盛也雖然卓氏之
盛非一日矣獨愧疏慵如予者甚非敢謬應修輯也然而仍舊章而

依實錄其殆草也。以謝諸公之責云爾。

晉

嘉慶五年歲次庚寅

臘月

毅旦

永邑昌崖生芹溪金時化頌首拜 撰

重修卓氏宗譜序

聞之國有史猶家之有譜也。史以寓褒貶，譜以明昭穆。事異而義同也。予家貧，舌耕歲無暇晷。道光辛丑冬，散館家居，有卓氏允清允道允炳存謙存聖允珠允殿諸公，携其宗譜來謁，屬予修輯。余以才學疏拙，不能勝任。諸公請之益力，始受其譜而閱之。謹按卓氏發祥於漢之蜀郡，卓茂卓琛二公並有神異之稱。綿延至明洪武間，有惟恭公諱敬者，靖節於燕王篡國之時，建交避位之日，貞心亮節，載在黃史，千古不朽矣。其孫方煦公，自瑞邑來樂之章，慕愛其山水清秀，田地肥美，遂家焉。又歷八世孫文訓公，復自章遷徙居泉路。是方煦公爲卓舉之始祖，文訓公爲泉路之始祖也。顧曆年既久，卷帙頗多，一人不能獨理。用是邀同及門士周君盛、勤、陳君常、鑿，相與共事。於是次其世系，別其親疎，遠近其生卒，嫁娶墳墓，載在鴈行之下。後嗣子孫，閱是譜者，一目瞭然，孝悌之心，有不由是而生乎？則譜之所係豈淺鮮哉！甌蘇二公所以競於此者，其以此夫是爲叙。

譜

道光二十三年歲次壬寅

花朝月

穀旦

恩貢生黃彭臣拜 撰

重修卓舉卓氏宗譜序

昔劉知幾謂史氏貴有三長非才學識兼備不可譜系卽一家之史
其自釐然者鈔胥優爲之然率誤猶恐不免若乃沿流溯源正名定
分明繼養之義嚴瀆亂之防才學識稍疎何由參證而裁斷甚矣家
譜與國史並重修輯之難亦均也余自維弁鄙向於寒族譜不敢乘
筆外此來爾者毋論已友人如荃陳君養蒙卓舉有年謀輯其譜挽
余爲將伯屢謝不敏庚午冬復來謁曰吾固知先生不好治譜但吾
所望於先生者不過始終條理及錫弁言而已一切纂葺吾與周翁
菊緣任之先生幸勿拒菊翁廿年前與余同視其敦厚周慎洵風所
欽仰於譜事尤練達因勉如所請初不料卓氏中塘中林中狷中沛
中典中馭中川諸宗董必強余親任厥職也余旣不獲辭爰受其譜
讀之則見以 忠貞公考伯毅公爲第一世以其孫方煦公爲始遷
祖所遺康熙至道光壘增諸本互有齟齬竊疑忠貞公羅夷滅禍其
嫡系豈越境遂免耶詢諸長老曰是相沿數百年今孰從辨之吾鄉

卓姓如珠瑛一族素不相通惟去此三里許有全路一派亦不知自何流寓久無繫屬因居近遂來附焉續其裔哲魁公患之遍搜西鄉柳市暨永瑞諸處重爲編定與吾譜轉岐前後蓋差四世云今試假全路譜請先生比而同之可乎余曰信如是璣路所編未嘗非鑿也貴族本不與同而強比之益鑿矣夫治譜之道宜不忘尤宜不援忘者以年湮代遠文獻缺如出於不得已援者獨何爲哉按郡志載卓忠貞殉節時子孫竄匿仁和變稱宋氏萬歷卓鴻臚卓文炎公實其七世孫始復姓人乃知卓忠貞公有後炎生禹曰從兄弟曰爾康曰發之並以文顯卓氏乃復興然則當日之蕩析者良不少矣華族雖未必卽其嫡系豈得併疑爲非其族特惜斯譜者有可考而莫之詳耳且以卓忠貞公之節義卽他姓猶欲家戶而戶祝之矧在同姓抑華族之難盡信者不過前數世耳此後析爲四房支分派別當不誣已今徒索彼影響而悉更之烏乎可不第此也郭公夏五本史家通例蓋惟闕所疑乃可昭其信必過於求信附會雖工未有不適滋後人之疑者也乘唯亡退余乃偕同人赴阿私勸蒐訪其生世遠無從溯一仍道光間所修近有脫訛必爲釐正其新增世次之圖長幼之序暨配適生卒墳墓卽若列眉較審本頗爲明潔開有碍難輯入之輩貴族旣憫其孤根獨立每乞從厚况此聯屬已久宜何如篤葛藟之誼菽桑梓之恭庶使積厚流光自有九宗看出以遠紹忠貞公曠緒何庸依附聲光爲哉曠以余非才膚學淺識初非漫磨斯任乃必迫而致之將舍闕其無可徵慎其所無可苟復奚以爲卓家信史乎知我罪我均不暇計也是爲序

同治十年歲次辛未

歲進士湖西林

瑤頓首拜譔

講例

一 孝悌乃爲仁之本爲子孫者切不可忤逆滅倫如違合族會同送官究治

一 犯倫墮行罪莫大焉各宜正名分序尊卑而使之有條不紊也倘有此弊一經敗露立即革族不許混入宗譜決不寬恕

一 家乘限定三十年重修以免散佚凡臨應修時侯當會全房族公議延師纂葺無許抗阻亦不許擅權請師既印以後無庸抄寫

一 宗譜每逢纂修告成當會各房董事面封新帶帙分作兩處存貯讀書明理人家不可私開亂閱違則重罰

一 晒譜限定六月六日七月七日毋許愆期臨晒日子宜邀各房董事憑面

一 宗祠務須潔淨不得堆積柴枝至若壽枋等物只許貯入偏間及左右廡而大堂斷不庸存貯違者重罰

一 宗祠之鼓號令係焉每逢春秋祭祀及朔望焚香舉擊三通倘非時

龍擊罰錢四百不貸或有犯分等事鳴鼓示衆者當議鼓價洋一元
三角擊鼓者先交三角首事方許其擊否則仍作亂擊論若有強蠻
剽鼓洩衆者罰英洋三元不貸如不服禁者合族會送官究治

一子孫聰明能讀書而無家力者當外傳必以兼資助其束脩考試亦
贖以川費若入泮之日厚以待之此所以養士也

生一十八世裔孫國蔭謹識

逍遙翁蹟記

卓敬公年十三讀書寶香山一日夜歸遇暴風雨迷失歸路遙見林
外火光趨赴之乃一小院有讀書聲扣門一童子出曰我先生知郎
君來使我相候仰視扁額曰體元院入見一老翁坐 下榻前揖之
翁起勞苦曰深山風雨昏黑得無驚乎敬曰此吾晨昏所常往來何
驚之有但恐貽親憂得一燭尋歸路可也翁曰山中那得燭郎君衣
濕且燎之敬問翁爲誰童子曰先生不欲人知名但稱逍遙翁可矣
又問子何名曰吾少孤敬疑爲隱君子也更前致敬曰敬家只在山
下往來山中甚熟未聞有體元院亦未聞有逍遙翁敢請翁曰吾世
業醫隱中條山後因避難陶隱君有丹室在此採藥南未結庵少
憩不久亦還故山郎君無用知也頃之衣于榻乞歸翁曰郎君既不
肯留吾有一半可騎之昏夜泥淖有恃無恐敬大喜卽命童子牽牛
出又呼一童名少逸曰將吾蓆籠中取出一僧帽而謂曰君旣不能
欸留敬以此爲贈敬辭曰吾書生將欲匡濟天下安得以此相戲翁

白第收之他日當自理會也檄堅却再三翁嘆息而已檄達視篋中悉補匠所用及僧衣帽耳轍騎牛致謝而別及抵家人已就寢驚起問故檄具以告舉火將牽牛入忽噓哮化黑虎而去一室震駭比明訪體元院於山中不可得數日後於縣西四十里陶宏景丹室故址傍得一古廟彷彿雨後所經者壁有潘郎夏日宿西禪院詩筆墨猶新循其路歸見虎跡歷歷尚在焉

奏疏

洪武三十一年歲合戊寅五月十六辛卯皇太孫建文卽位明年己卯爲元年正月望日大祀天地於南郊奏太祖高皇帝配祀二月燕王入覲由御道入登殿不拜鑿察御史曾鳳韶劾王不敬帝曰至親弗問戶部左侍郎卓敬奏智王帝諱敬曰燕王骨肉至親何得及此敬曰楊廣隋文非父子耶詣闕上疏其略曰今欲翦侯王定經制則臣請借秦爲喻昔漢高帝摧秦滅項以定禍亂遂大封同姓分王天下之半蓋欲藩屏京室也蓋其遺文帝不治之錮疾哉乃賈誼借

脛股指股之喻以痛哭於漢庭其意已微制六國矣賴文帝寬厚含容而吳王几杖之賜遂折其強悍不臣之心迨勵王謀反僅廢虛蜀郡巴不免有尺布斗粟之謠至景帝寬厚不如文帝矣又有晁錯輔以刻深逕削諸侯遠挑六國之禍尙非文帝付託得人民心輔漢社稷幾危是晁錯不得辭其責矣我太祖皇帝起類漢高而神武過之劉劉羣雄混一區宇際天薄海莫不納貢雖曰天與人歸實賴我高皇帝有文王純一之德聖后有后妃不妬之名行則百斯男莫不穆穆皇也宜君宜王者矣故太宗百世爲天子支庶爲諸侯三代之封建分茅胙土先分形勢之地以王秦晉燕王其餘楚湘徐兗寧遠谷代唐肅星羅棋布高皇帝之聖謨神慮無非鑿唐宋孤立之弊以彊宗威遠也然於太祖則爲子爲子則心無嫌異於陛下則爲叔爲叔則彼此易睽此皇王之所以難處者也以臣愚見切莫聽晁錯削奪之策當行主父偃推恩之令分王諸王子弟衆建其地而小其力則藩王之權不削而自弱矣臣又願皇上待遇親王薄其貢而厚其恩

常盡親比之禮其賢如漢河間獻王東平王蒼者下詔褒異之其騁
逸不法如漢之淮南濟北者初犯則容之再犯則赦之三犯而不改
者當親告太廟劓其地而廢處之另立其子之賢者豈有不從哉臣
嘗以爲人君之有天下如人之有一身也天下之患有內外一身之
患亦有內外比身之疾良醫一治而平復矣內心之疾非深知膏肓
者不能治也我皇上乃天君一心也所以具衆理而宰百體之令者
也天君泰則百體爲之俱泰否則擾亂吾心而耳目口鼻手足爲之
不安矣臣願皇上之察此也公卒於
建文四年六月十三乙丑日時與公死節者文武官一千二百人

謹錄闕郡江心

卓忠貞公立廟序文并碑誌

夫振刷蕤靡汎掃風塵仗黃鉞以康輿圖執朱旂而清民瘼者聖人
之略也氣有前往義無反顧五鼎赴而如歸七族坑而不悔者烈士
勇也故王綱解則開八紘以父之臣節弛則張四維以維之斯所謂
言有正而若反道有悖而相濟者乎卓忠貞公諱敬字惟恭溫之瑞
邑人也負公卿之骨變則相表其奇異蹈風雨之迷途則虎爲之嚙
導學府多聞披玉軸之文史兵符默契窮金壇之秘訣陳伊弓閨閤
之德蔣公琰社稷之器公實兼之洪武末國制草創儀章未備吳王
太子或爭局於禁中梁國旌旗乃上儼於天子公以文郎首建朝議
固以晰覺萌通國體矣高皇帝因大器之晉宗人府經歷再晉戶部
侍郎建文初戰燕王始建公睹其幾微密爲計畫語具劉忠愍所爲
傳中卽賈生策諸王之勢晁錯謀劉氏之安何以過之而壯事難期
老謀莫試 至申州圯圻上國崩離士女同嘆於殷墟鬼神共謀於

曹社蓋天命難諶方搶攘而未定人懷靡常舍神聖其奚屬斯時也
以高皇帝之子繼戎高帝之緒以高皇帝之略翕夷高帝之人新命
舊邦非逐鹿之可憊子燕孫詒豈瞻鳥之靡定公即準管魏之擇主
撫鐘簫而自怡其與更二姓事兩君者不可同日語也顧刀環築口
吠堯之謠不輟戟枝入頸送往之情彌厲臧洪同日誓不叛在下壺
一門餘無譙類詎不痛哉昔伯夷之諫也太公扶而生之公之死也
少師與有力焉非古今之道殊忠佞之情異也以公才智適於夷等
生死能為有無故也公歿文皇帝屢追惜之曰國家養士三十年不
負其君惟卓敬耳湯不以伐夏而徵沉淵之務光武王不以剪爾而
紂采薇之墨允非天下之至公共孰能與於此今皇上癸酉詔書建
祠治城山側祀公等若干人名之曰表忠所以明主恩勵臣節之意
甚厚公生東甌而郡乏專祀英魂未妥鄉人興嗟蜀衛侯承芳來守
是邦始即中川文山公祠右為祠以祀公嗚呼方黃之死事非不烈
也而顧畫無開胡解之委身非不智也而顧名已失前有曲突之謀

後無銜璧之辱奮一時而越千祀者其惟公也乎予也訪係郡裔劇
談芝桂親公廟貌與薦蘋蘩靈爽如存嗟人骨之皆朽忠孝勞生晤
光明其何甚擊牲爰告卽石為銘詞曰

粵古貞臣動必以正圖國忘死見危授命砥柱不流疾風斯勁義
卓公忠出其性有明開闢地正天刊龍戰甫踐元黃未干九海波沸
十嶽峯劍智勇不作華裔疇安良人踵與國統斯削帝緒中廢壇社
如昨簞食盡漿稽首崩角命有廢與人無適莫公也矯力抗其衝
賈策定制晁疏徙封委身王室削滅候宗水投石拒心苦力窮無涉
不隨有作莫遂大厦傾圮一木焉濟勇嬰鱗逆心安骨碎鼎鑊如甘
社稷是衛疇不自委曰國豈親公志邁世矢死靡分心堅百鍊義不
二君凌厲白日卷藹高雲周氏則頑股癸已厚養士三十年庶幾無
負厥有褒詞

皇七口君義臣忠異塗同紐我
皇御宇丹書白麻閱彼忠魂一灑垢瑕旌祠治城錫胤厥家仁風扇

動義日光華海嶠旣輝

公之桑梓祠宇弗度仰瞻奚以有美衛侯鳩塘相址高苑雲構層楹
電起長江孤嶼楚楚新宮摹文像卓作配西東奸雄泚 烈士動容
鐫碑撰德今古英風

昔

大明萬曆

丙戌孟冬月

穀旦

温州府知府

衛承芳

萬曆庚寅

仲秋月

永嘉知縣

蔣行義立石重刻

謹錄忠貞椒公疏

燕王智慮絕人酷類先帝觀其爲人必非久在人下者且北據天都
地方廣邈士馬精強金元之興皆由於此今宜及未備徙封南昌以
絕禍本則羽翼既翦變無從而生萬一有之亦易控制不然彼志得
行則謀無不遂大舉而南當此之時勢如瓦解

陛下孑然一身雖有一二特立之士亦無能爲矣事將萌而未動者
幾也量時而可爲者勢也勢非至剛莫能斷幾非至明莫能察
惟陛下下一智意焉

謹錄忠貞椒公傳

公生而資質秀敏穎異絕人詩詞清婉有一唱三嘆之音年七歲從
羣兒嬉戲有相者異之曰此兒骨髮迥殊後日必爲名臣但精血不
華色耳性至孝讀書實香山夜歸省母值大風雨昏黑不知所向得
一牛乘之而歸至家老母啓戶視之乃一黑虎也時以爲茅格天鑑

而年踰三十登洪武戊辰科進士除給事中時國初制度初立典則未備諸王服飾僭踰公上疎云朝廷立綱陳紀放之天下而皆準傳之萬世而無弊由是陞授宗仁府經歷轉戶部侍郎時當建文

皇帝登極

太宗已封燕王公密上疏選徙燕王於南昌時帝在

正殿大驚藏疎於袖翌午召見曰燕王骨肉至親爾言何間我骨肉也公叩首曰陛下以燕王至親楊廣之於隋文不尤親乎一旦讒言父子之間遂行弑逆此豈人情也哉臣言願陛下察之帝默然良久曰卿休言矣遂寢迨至燕王陛下公被執責以不迎乘輿之罪曰前疎遠我南昌今又不臣我乎公屢言抗拒辭甚不謹且曰先帝若依敝言豎子豈得至此帝怒欲殺之然憐其才命繫獄時降服諸臣勸公曰燕王皇子也建文皇孫也事屬一家忠無二致公既盡心於前朝何不可移忠於今日乎公泣曰人臣事君有死無二夫武王聖德夷齊尚不朝周我先帝正朔相承略無過舉燕王利欲迷心遂行篡逆吾恨不得就見先帝於泉壤耳爾復欲吾臣之亦何心哉

帝知公義不屈然憐其才而猶欲生之姚廣孝曰今天下未定兵革未息楚王尚強蜀王富盛敬雖一介書生雄英才略人也今若生之則彼得行其志以名諸王聲揚大義據東南之饒限長江之險鼓舞豪傑而來

陛下未可安枕也

帝意遂決命斬之復夷族公從容就義嘆曰國家養兵三十年一旦變生無所措置敬死不足惜但憾不得爲兵官得少行其志耳神色凜然不羸太宗甚愛之雖爲姚廣孝所譖心猶惻然不忍嗟曰國家養士三十年不負其君者惟卓敬耳嗚呼公之大節與天地河嶽相與悠久者自有史冊書之固不待球爲之傳傳曰志士仁人無求生以害人有殺身以成仁斯言也非卽卓氏 公之謂乎公當從容就義時死者不一而足論者必以公爲首稱豈非以其見之明守之定直可與夷齊比倫也哉或者兵柄在公謂當時則成敗未可知也此不足以表公之仁著公之節余不贅

侍講 劉 球撰

謹錄章安西崑山祠記

蓋公瑞邑人也祀公於瑞宜也吾邑前 令朱公首崇節義始卽西
崑山爲 公祠今邑令 王公又從而新之創祀田十畝及

公墓西畔隙地歲徵租以供 公祀嗚呼

公之忠貞大節炳於日月所謂殺身以成仁者也崇廟祀樹風教後
之君子過 公祠者莫不油然而生忠義之心其爲臣可知矣是故
祀祠以祀

公卽所以教爲臣也

方煦公序

公性恬淡好山水癸酉歲來遊樂邑西東兩鄉至卓魯惟公見山秀
麗土物肥美遂家於是焉此爲卓魯百世不遷之祖也

方對公序

公幼聰敏好讀古人書樂交多聞士抑復孝以事親冬溫夏清循其節
晨昏定省致其勞名傳遐邇望重閭閻此亦一鄉不可少之人也

方懋公序

公秉性和厚爲人忠直居家務詩書以繼美重清白以傳家抑且
聲譽序望重鄉邦此亦卓氏重有賴之人歟

安珍公序

公性質樸務業農從先君徙居湖川墾田園勤種植 闕年三十家
道漸成知創始湖川公亦與助焉

安機公序

公至孝親死閔三載衣必麻食必素至菴宿慕百日而歸家鄉族里

黨世以孝傳

安階公序

公爲人剛直外不屈於人內毋欺於己公平處世清白傳家享壽八旬恩賜鄉賓榮光國典親族號曰榮軒

安從公序

公少失怙鮮兄弟零丁孤苦至足悲也幸邀天眷篤生哲嗣曆年五旬建就大厦桂蘭挺秀抑復自平而瑞訪祖墓葺宗祠是卓氏承先啓後所有諸者焉

貞甘一永發公序

公賦性敦厚操家勤儉處幼年外鮮近鄰內無兄弟幾嘆孤立無助矣幸邀天眷閱年三十家業饒裕桂蘭繞膝齊眉偕老三世一堂可謂由困而亨者歟

禹大康貴公序

公秉性率直品行端方悅親戚以情話處昆季以樂濟和諧琴瑟教子義方整家儉約待客必豐宗族稱羨閭里咸欽子孫繁茂爾熾爾昌根深葉茂長發其祥余與翁有厚望焉

禹十一康雲公序

翁一生行樂人也少承祖業家號素封及壯上有賢母下有哲嗣抑且撐持門戶復有朱氏淑人爲之內助焉優悠處境無所勞於身無所橫於慮享肥甘醉壺觴其殆行樂人歟

禹廿三康秀公序

公生平存忠信崇禮讓交以道接以禮美不勝舉年踰七十家業饒裕蘭桂滿庭葺宗譜以大先猷舉鄉賓以光國典是亦一鄉不可多觀者

衍四存桂公傳序

君之爲人率性純樸儉約自特兄弟有五天親兩喪同心協力以成

家室今者膏蹄花甲大振家聲可謂能善厥終矣

衍八存沛公序

翁秉性剛斷端言行肅家風內無詐于己外無屈于人抑且簡儉積金置產業建大厦以爲子孫長久計庚申歲纂修宗譜挺然獨任其事復見有水源木本之思宜遵例舉優恩拔鄉賓以光榮吾卓氏也

歟

衍十回存縉公序

芸憲詩文出人頭地年踰二十兄弟分爨撐持門戶有志未遂雖宗族爲之扼腕焉由是遣經書以繼美樂詩酒以自高人情多冷暖淡若渾忘山水有性情得其真趣襟懷落若有脫然于世俗之表者

衍十五存繡公序

翁高雅人也樂詩書以繼美好花木以陶情或採于山則曰美可茹或釣于水則曰鮮可食從容事外可謂行樂人也

存忠公引

翁務農業善積金年踰六旬廣置產業建造大厦一堂桂馥蘭芳可謂享晚景之樂者歟

存儉公贊

公性質樸務木業母食意外財母食嗟來之物守己安分自得至樂者

存錦公

公諱錦字哲春春之爲時也和而溫風和日暖繪出春光淡蕩之天憶公丰姿藹比有似春色號曰溫齋敬亭公曰然即堂文齋諸公亦無不曰然因贈溫齋

存德公贊

公爲人無交飾鮮交遊無求勝于人亦無謀利于途居家自守樹桂森比亦足率天性之樂者歟

存彩公

翁秉性和平樂易可人好讀古人書樂交多聞士家崇親師論教之
典庭滿賓朋來往之踪風流慷慨誠足歡者外此孝老慈幼以及夫
應事待人坦懷可以共見見利思義取予不苟一絲者高明在前必
有定論非余小子所敢贅也

哲星公頌

公之爲人也儉而樸樸近於固樸隣於陋似爲大雅不取焉然而公
儉若唐魏舊俗山樞蟋蟀之章可咏也 太古遺風酒樽齊飲之
習猶在也若儉 者必法公可也

哲晉公

公性剛勇外不屈於人內無慚於己見難必救見義必爲庚申歲纂
修宗譜能任其勞此亦一鄉之傑者

曰珍公引

翁謹珍易曰席珍待聘待價而沽之謂也磨篋有素精采爛如出則
登諸俎與蒼璧爭輝處而藏于匱直與連城並價非若玉之蘊于石
者比也因號曰輝山

曰淦公引

天以厚德生物地以厚德載物人以厚德載福厚之時義大矣哉翁
處世寬和存心渾厚以此化俗將人人化爲忠厚豈第翁一人已哉

曰鑾公贊

盤庚之篇曰若農服田力穡乃亦有秋詩邠風云九月築場圃十月
納禾稼翁生太平之世以旦暮從事於田畝春耕秋穫衣食之外早
輸租稅羔羊朋酒躋堂祝壽亦農家一快事也

曰璞公贊

玉在石中謂之大璞必使玉人雕琢成其器也翁素行清潔如玉之
旣雕而復琢之真覺無瑕之可指矣至其壽算之綿延子孫之蕃衍

猶其後焉者也

曰富公贊

洪範五福一曰壽繼之以曰富而得壽斯爲真福翁年近花甲而

曰茂公引

以爲名其身雖不及享異日子孫置膏腴肯堂肯綮於此矣
錐刀微細變觸交兵爭端所以不息也翁爲鄉里領袖秉公折之忿

曰福公贊

氣平而爭端息也號曰息園美之也
公生平生理四方貨財生殖往來交接坦懷甚白庚申修譜分任其

曰美公引

勞焉
玉韁山輝珠藏川媚翁丰儀俊秀落如珠其在於物可謂希世之

龍南公傳

公字君友號龍南卓氏祥甫公之孫也而實孔氏聚星公所自出蓋
祥甫公不幸艱嗣後遂以三江輿頭井地方孔聚星公爲子聚星公
配朱氏生此公未及長成而聚星公倏捐館舍柩停山麓忽被
洪水遠颺將近三江後水漸平幸棺木尙存因附葬三江孔氏太祖
守甫公墓下公之母因夫已作古無所依薄母子二人轉徙瑤

舉地方以瑤川乃同姓鄉也家貧傭工紡績撫孤成立及

長幸能傭做酌太安人

氏又赴泉香國去于是龍南公乃舍瑤舉而

轉歸卓舉焉

陳氏生雲峰雨亭公兄弟二人峰亭兄弟
二人生貽堂健菴果園兄弟九人各營堂構以自居人莫不謂公真
始困而終亨也業雖務農而氣概不減儒生嘗置祀產十畝書田四
畝其爲詒謀計遠矣他若三江祖墳被佔訂力構訟以及倡修廟宇
而廢時失事都不計者公且視爲分所當爲耳噫斯誠山間之特出
者歟宜乎其爲邑侯類以樸茂古風焉余去公之世甚遠何以巔末

其詳如是但因公之裔孫槐三者乞傳于余卽檢其父樸齋公所載公之來歷一紙付閱余不獲固辭爰輯其要刪其繁以誌之

晉

光緒二十七年歲次辛丑

小春月

穀旦

姻戚邑庠生周景濂拜 撰

果園樸齋二公叔姪覓祖記

嘗思人有祖猶木之有本水之有源也吾邑卓舉卓孔果園樸齋公叔姪二人真可謂不忘本矣何則余聞卓孔君槐三述其先君樸齋公所言云我乃卓舉祥甫公之裔實係三江鎮頭井村孔聚星公後焉但聚星公始祖久失其傳耳自我堂叔果園與吾二人一出生思人必有祖祖不可忘乃遍查孔氏譜牒無如消息杳然叔與我無奈焚香告天請神降乩求指迷途忽夜夢一婦來告曰汝乃筋竹希哲公之後也吾二人遂至筋竹細查孔氏宗譜其間所載果有號希哲其人者而查守甫公之名祇有以甫爲字在貞字諱行字守甫二字聯載者無有焉于是我二人茫然失措未敢遽信旣而伊村中有一父老來前曰吾族洞坪派原有遷居三江吾譜中所載哲初公卽其派中人也子之祖旣來自三江子爲哲初公之後可無疑矣遂將吾派列於初公後焉奈聞槐三所述先君之言如此如此竊嘆二公真可謂不忘本者矣設無二公有溯本窮原之心而孔家真傳不几茫

然無歸乎是以余雖鄙不文不禁就槐三所言率爾而爲之記

昔

光緒二十七年歲次辛丑

小春月

穀旦

姻戚邑庠生周景濂拜 撰

龍南公贊

公字君友幼年出居瑤巖後又歸卓巖興起屋宇誌義田祀產發源
之今卓孔姓有贊傳 公賦性敦厚勤儉操家外鮮近隣內無兄弟
幾嘆孤單無助矣幸邀天眷閏年三十家業饒裕桂蘭繞膝齊眉偕
老三世一堂可謂由困而亨者歟故后有徐公額其堂曰樸茂古風

雲峯公贊

公性質樸不是文飾務本業守先型往來交接惟求期毋欺於己不
事求勝於人居安樂業其有似於羲皇之民歟後有 張嶠公額其
堂曰賓筵雅望

雨亭公贊

翁之爲人也首重家法正內外次肅閨門嚴稱謂訓膝下以耕以讀
儉食用以禮以時由是自家而推之鄉黨卽所以治家者以之處衆
至若離德福居大厦享肥甘舉案齊眉桂蘭挺秀此諛頌之詞余不
贊 故後有張公額其堂曰盛世者莫

貽堂公贊

公迪惟前光克昌厥後人生之樂無踰於此寬和處世忠厚傳家光
大前人之業善貽子孫子謀繩繩繼繼於萬斯年

健菴公贊

洪範五福一曰壽二曰康甯康而寧乃爲可貴公年逾古稀而精神
矍鑠步履康強所謂老而益壯者此也非有德安能若此因贈健菴

吉齋公贊

大易六十四卦吉凶半焉惟謙卦六爻皆吉天道尚謙地道流謙鬼
神福謙人道好謙故謙者吉無不利翁諱謙謙以謙處世吉莫大焉

嶽軒公贊

翁永嚴君之大命而能以孝順率從處昆季之班而能以友愛自盡
持家應世人皆以經營機巧聚財公獨以節儉艱貞致業人皆以聲
勢剛強壓衆公獨以謙恭柔厚勝人不徇服而敦古處置規矩而課
後人原配鄭孀人淑慎賢良怨中年而絃斷晚配繆氏亦諳聲無聞

一家之中善氣薰蒸宜其門庭煥彩聲蜚于舍之光蘭玉聯芳瑞兆
孫枝之秀修德獲報稽其然歟

錦堂公贊

嘗思積善之家必有餘慶余知家世德作求昭茲來許蓋積善餘慶
有自來矣賢契當孳生之日命名曰慶家世之詳情而有徵良足羨
耳茲于冠而字之年竊取慶瑞之意故贈之以表歸瑞古賢配倪孺
人立志守節爲夫立後壽躋耄耄 故後丁公額其堂曰真恒積慶

果園公贊

果報之說聖賢不言而爲善之家必有餘慶是佛家因果之說即聖
賢修德獲報之旨也 翁家世行善事至翁而增修其德世世子孫
必獲善果故復孫公額其堂曰堂開四世

樸齋公贊

樸者厚也君秉質渾厚言貌端莊其古家爲樸流風善者諒足佳也
繩祖武之業繼美前人恤鰥寡之勞普施佈德今果其蘭桂盈庭益

斯衍慶者矣

克菴公贊

子克家則謂肖子臣克艱則謂盡臣翁克勤於家克儉於身所以成家道在此所以繩祖武者亦在此好勝謂克公之克非好勝也

篤菴公贊

君爲人溫和處世勤儉持家雖土夫自素具名士之襟期四圍親隣頗有譽聲事承繼母以孝聞凡迎顏養志無不極其體備焉所謂好樹何妨分種植佳兒不必自家生其即此之謂矣惜我宗薄祐未強仕而身亡白頭垂淚妻子含悲未死使人情短氣耳

堂兄樸齋拔淚撰

太學生樸齋公序

聞之敦倫飭紀始可列夫儒林則知古人重道德而不重文藝也余觀於卓器樸齋公而有感焉公言行莊重器識深醇本通經之儒緣家務羈身遂息志舉業晚年報捷成均里閭皆以此榮公而公終不介于懷也然其立身制行有十倍於當世名士者報君上以忠雖草布而官箴自鑒事父母以存卽百年而孺慕常存宗族姻戚之間有患扶持有善贊勸上下內外之際相接以禮相交以義至若瀛文昌之功過每夜焚香告天慕仙佛之清真終歲長齋葆性福田厚種陰贖廣修是尤爲居士中所難能者予以非材蒙公延爲訓子晨夕之下得領芳規公室有兩配皆女中丈夫一年各產一子玉立雙匕瑜克家令器他日必有光大門閭揚盛德者奚俟借重於細人之言而予被慕之情不能自己因跋數行附居復題蠻語一則詞曰學校淪夷蔓草紛誰知空谷有佳人深仁蘊玉瓊田裏堪作文宣十哲臣

晚生黃金鋪拜

撰

西畧卓氏十賢公竹枝詞

贈允清公

烈也轟也一遠翁襟期爽暢快玲瓏從今莫笑微軀短寸舌能翻歷

俊雄

贈存聖公

器宇軒昂不肯低尋梅傲雪潔身栖平生了識涇渭界皓也孤標冠

畧西

贈存謙公

無古無今無雅俗不勤不懶不慳吝平生也有中流渡笑傲當年砥

柱吾

贈允洙公

坐覽山川景色妍披襟笑道吾非仙閒扶鳩杖隨元鶴不覺桑榆近

暮年

贈父苞公

領袖鄉都是與非穿塘却被我知幾水清瓦解無多慮鼠雀門庭自
此希

贈允殿公

半日游山半日溪勞七歲月日忘西有時倏起尊宗念曾把黃金罄
出奚

贈曰琦公

土木形骸不事華一生樂處在桑麻風雷偶輟耕耘暇午野深談野
老家

贈曰撲公

才力金剛米勒容和平樂易具機鋒一生舉手無難事此日偷閒要
學慵

贈曰元公

福有清來福有紅何如宰相在山中而今不願王朝貴野蔽山殺餘

醉翁

贈國康公

抱樸無華獨具真味甘膏胆苦嘗辛一塵不染秋容淡自號羲皇以
上人

勁齋公傳序

昔董子嘗曰正其誼不謀其利明其道不計其功余嘗盱衡倚類職覽當今求所爲有證斯言者惟吾於

舅祖勁齋公一人己也

舅祖勁齋公者世居卓魯生長山村稟質清明性天醇樸蓋自少失怙恃不得從事舉業迨成立時品概與山居野人大相逕庭矣至於宗枋雖立未有祠產及

舅祖身恆以此爲慮乃邀同族中國道國龍國燭國池朝諸諸

公將畧中所有一片開曠溪地協力種松計萬餘株不十年間松樹叢茂遂充八宗祠自此宗祠產息日漸餘積至今春秋祀典馨香美備祠宇則式廊規模丹楹刻栴靈爽有所式憑然雖非

公一人之力而

公實與其有成焉是其心正與正其誼

不謀其利明其道不計其功之旨有默証焉者

舅祖姑德配鄭氏內助稱賢生丈夫子二長朝仕次朝恩兩

表叔皆佳器可稱克家孫男合而有四長三次一亦屬不凡佐諠黍
葭葦材漸樗櫟旣所聞之已悉奚忍秘而不宣謹佈蕪辭闡揚
先德並諸譜牒永垂不朽是爲序

甥孫胡天佐頓首拜 撰

文林公行狀

文林卓公者卽國學生孔章是也余于其人素不相識是歲辛丑余
館其鄉噉階家之右軒至冬復月聞公之令親陳君博臣乞余狀其
生平臚舉公之懿行家世以告曰此人素行可嘉大節有三一則月
旦公評不取分文嘗爲人墊錢免事者數矣二則見人有病如己之
病必日往其家問候心中惟以己之無術拯救爲恨無力延醫者親
爲修函遣工走請且助錢焉三則性好客卽古之孟嘗孔融不是過
也而遇有文人學士則更加敬重必殺鷄爲黍以待之元德配李
孺人續林俱賢如鍾郝子二朝滋朝松勤儉可風女二誇耀門楣孫
二尚幼凡此皆余所聞自博臣者爰走筆直書以述之

眷晚台州周景濂拜 撰

LIBRARY

國生槐三翁引

丙寅之歲時維春王全路勇氏令郎燕爾之喜余乃登門雀賀

翁適同觴余見翁衣冠整比氣象皇比宴飲之中趣起而問諸

客曰伊何人伊何人客曰此乃湖川卓樸齋公之令次也余竊喜之

曰明德之後必有達人信乎其不誣也迨館于珂里蒙擾卹厨見

翁家慶團圓高堂具慶宗族稱孝鄉黨稱悌噴比乎翁其無閒

于人言也此乃

穆宗毅皇帝之九年也曾幾何時迄今

聖主又廿七年矣季春之望叩見商治譜蒙翁諾重千金第見其立品

也敦其出言也謹其處事也慎其待人也豐子一朝觀克家之器孫

一邦均頭角崢嶸洵乎不凡之物也尤可嘉者朔望焚香祖廟一切

五祀神主每晨昏誦經日日註記無閒寒暑其繩先人之武庶乎其

不差矣而且監修譜事殷比不懈勤搜訪置條例承先裕後之心此

一鄉之特出者焉茲當宗帙告竣晚雖不才敢追昔撫今而表吾翁

之行云爾

城之翁頌

族甥載之陳

銘拜撰

翁名昭諱國璉城之其號也寬和情性孝友家風襟期洒落言行中規最好交游始終一是鄉鄰有鬪者都憑排解而不致訟於公庭也非爲淑世治身之範者何其而不憚煩也乎淑配國學生邵化南公令愛聲稱內助子四均成立務農孫二邦湘邦朋眉目俊秀寧馨之物洵未可量也猗歟休哉年僅服官桂芳蘭馥他若洪範九疇之福不抗目而可待者也矧看卓氏之族雖巨試問具可與翁比美而同廣者實不數觀者矣竊今宗譜纂修翁與諸司事而不憚其勞比焉愧愧非材聊聚蕪詞以垂不朽云爾

晉

光緒二十七年歲次辛丑

小春月

族甥載之陳

銘拜

撰

穀旦

長房三房爭大壠山祖墓評惠據

立評息據嫺風林琪吳嘉益陳如荃等今因卓舉村前明時卓氏長房支祖安珍公三房支祖安機公老譜未誌墓處至嘉慶道光年間新譜安珍公安機公墓俱載大壠兩房歷年俱已失管茲又重修宗譜兩房孫子各執嘉慶後譜擬指雨亭公墓下爲已支祖厝坐處幾至爭訟衆等誼關戚族不忍坐視查大壠山係三房餉產山內上下墳墓俱屬三房附墓祖其所指雨亭公墓下似有墳形既非世傳祭掃又無墓誌可考事有可疑難以確斷閱其坟墓闊大疑當時兩房支祖伯仲合葬亦未可知因勸兩造須念一本之親議作兩房合葬祖坟長房屬左三房屬右各祖其祖但此係疑案兩造既自認爲祖坟日後不得指雨亭公跨葬等事致與雀角惟墓前有大松樹四株孝嶺上楊梅樹一株永爲蔭木或被龍風打壞其樹木一應歸與三房毋許長房異言此係兩下情愿各心允服恐後無憑立評息據示遠吉昌爲照

皇朝西河集

代筆周世權
地保周如錄

長房 曰豪 國道
聽據人 國亨 國龍

三房 曰礎 曰樞
曰欽 曰檻

面據宗人 國池
國金

朝槐

陳如荃

林琪

吳嘉益

有畫押

同治十年十一月

日意據戚翹

倪孺人為夫立後記

從來婦人之道事舅姑相夫子撫子女三者婦之大節也顧造物每
多缺陷人事恒有違適或事舅姑矣而君子不能偕老幸而偕老矣
而中郎乏嗣伯道無兒此亦生人之艱也倪孺人者錦堂卓翁之德
配也孺人生長名門素嫻母訓迨歸錦堂翁事舅姑相夫子主中饋
一以婦道是執乃琴瑟久諧鳳雛未卜孺人心竊憂之然穉或發於
枯楊珠或生於老蚌晚有兒息古今人豈少也哉夫何二豎為災所
天遽隕方是時也孺人痛欲壞墻淚能斑竹水漿不入瀕死者數矣
既而回頭猛省謂以身殉夫舅為夫立後難與其從夫地下博一時
激烈之名何如為夫綿百世之祀免蓼六忽諸之痛也於是擇猶子
之賢能為所天之妣續他兒即是我兒更喜根同一本叔母無異生
母不等項楚贏秦尤可羨者佳兒配以佳婦桂子更奇蘭孫廬有積
粟爨有藏金三門之中無非樂事吾知翁在九泉必且破涕為笑矣
予與氏家忝屬舊葦稔知孺人之德是以敢直書之

皇朝西河集

卷之三

州

光緒辛丑年重修

虞貢生黃彭臣拜撰

卓母楊太孺人暨林太孺人雙節傳

楊太孺人者 卓曰得之淑配也婉婉端莊少成若性其來孀也甫及笄其稱孀也剛半甲維時堂無尊章子一女一均幼 孺人

嚴內外崇勤儉茹冰飲蘄歷五十寒暑無愧影衾宗黨咸以爲難享壽八旬其媳 林太孺人係青嶼 文望公女瑤之族祖姑也

年十九于歸 國宰公恪循婦道越九載逮失所天 孺人

踴絕粒無心獨活祇以孀姑之白頭黯黯遺孤則黃口呱呱不得已勉留殘喘婦兼子職母兼父道姑媳相依孱焉寡飲乃命其弟林清貴挈眷偕來相與經紀其門戶迨遺孤朝陽成立有室莫不謂

太孺人漸入蔗境而詎料陽早世又無嗣所生僅兩媳斯其備常艱苦窮且益堅自非栢操松姿又安能凌厲冰霜而不改柯易葉也乎邇者 林太孺人齒臻耄耄以家事付姪朝封立其子邦錫爲孫

語云節後必昌繼自今吾知天之所以報兩節母者方興未有艾豈特綽楔旌間足見其流芳累世也哉

聖清同治十年歲舍辛未復月之吉

穀旦

晉

容再晚生林 瑤嶼首拜 撰

卓母連太孺人八旬壽序

余豈遊垂十餘年凡所至地採邑乘而闡幽芳竊見賢媛淑婦始未嘗不備歷艱辛然或躬受其福或數傳而始發其祥以是知行立者報隆德茂者壽永嗚於前者豐於後物理固然天心尤爲不爽者矣

姻母連孺人者

厚享卓公之淑配也

孺人生而望族擅

壑輿之秀家禮內則之篇勿無弗嫻箒而歸我姻翁也鹿車共挽敬戒備至舅姑則承順惟謹甘旨之供必躬必親孝養之誠爲巾幗中所乏親迨乎

姻翁辭世費產無多

孺人躬操內政旣時勤

其蠶織復日課乎耕桑彈力中外拮据靡甯能使累葉家聲雖保無廢墜是真知未雨綢繆之道者也嗣君曰璞雖未嫻文史而一言一行取重鄉里柳復生財有道廣置膏腴則文叔之克家何莫非敬姜機絲夜月所督率而成者歟女三適鼎族孫五曾孫六俱奕々有奇氣異日光大門閭可預慶也今

孺人行年八秩矣子旣得子孫

復生孫桂萼蘭芽芬菲馥郁而且嬌客則玉立森々外孫亦明珠顆

穎一庭之中嘉祥畢集從此而臺而期頤天之福仁孝而言賢母者寧有量乎余於是歲偕族弟南溟大鵬浩亭國澄全遊鴈蕩龍山朔垺諸名勝道經本庄信宿其家適諸甥戚僉謀製錦乞余一言爲孺人壽余以屬在葭葦不固辭爲叙巖末聊當崗陵之祝云爾

大書

龍飛道光十七年歲在癸卯作噩二月

穀旦

賜進士出身特受山西平陽府洪洞縣知縣

眷晚生芑生林 芳 拜 撰

鄉賓杏園公序

公名國道字中猗號杏園邑東卓舉人也性情忠直衣冠樸素其爲人也勤而不食儉而不吝置膏腴構大厦內外經營井有法其善於貽謀者可知至若鄉隣請貸緩急相周不矜施與亦非人所易能也同治己巳年延甥訓蒙歷三歲禮文備至卓氏宗譜自道光壬寅年修治後孫子繁衍歲久未輯公邀全諸董事倡議重修遂請靈翁林先生暨菊綠周夫子主其事囑余贊成之其尊祖敬宗之意益可見矣宜其壽踰花甲而精神矍鑠古貌古心非偶然也元配陶氏母儀可則生子三長勤儉操家不失父道次三亦盡力農事孫七各長孫三俱已成室業農安分次孫二受讀克遵詩禮異日大振家聲未可量也甥才慚穢竊敢擅修辭但因族譜告成聊叙舅氏之素行以伸我感佩之誠云爾

皇清同治十年歲次辛未

一陽月

穀旦

族甥載之陳 銘頓首拜 撰

廣川翁傳

廣川翁乃杏園公之三索卽梅坡公之猶子也溫厚性成持家勤儉不尚奢華不輕笑語幼以叔爲翁以媡爲母猶無忝于所生嘖嘖之稱人言其無閒也配趙氏內助堪稱女二均適甲族子那鑒雖曰未學能知理義孫二應啓應安均成室各務農業惟孫媳陳氏克嫻姆訓不替家規由此觀之未始非吾翁之爲人也歟余憶當年蒙館同于其室煩擾卽耐深記寸衷俟今卅載 翁年七秩譜又重修白首再逢不亦樂乎茲當告竣聊以數言以誌翁之行翁之情云爾

昔

光緒二十年歲次辛丑 小春月

穀旦

眷弟載之陳 銘拜 撰

卓翁福山傳

翁諱國錫字中命福山其號也翁初家僅少康翁乃勤耕種非飲食其他非所知也厥後置膏腴搆華厦而衣冠樸素猶留懷葛之遺風焉秉性剛方出言抗直族中或有不肖子弟游手好閒翁卽據理斥之略無隱諱必使之易轍改絃而不敢復蹈前非而後快人以此憚翁人卽以此敬翁翁壽八秩有餘與德配趙太安人齊眉偕老此儒學正堂戴公者亦嘗以鶴算齊齡四字類其廬焉子一名朝鳳卽今余之東道主也其爲人忠厚遐邇周知有女適潭頭村國學生薛君從瞻號雲山真恂也君子也孫六皆眉清目秀他若歸孫離孫輩紛也者指不勝屈余生也晚其人事實行俱漠不相知一日余至卓氏譜局謁見主修先生陳翁載之先生歷舉以告且嘖嘖稱之余聞之而駭然遽據載之先生所言爰譔蕪詞以誌其巔末云

光緒辛丑冬十月上澣之第八日

穀旦

楊溪晚生邑庠生周景濂拜 撰

六之翁行狀

翁諱國龍六之其號也性情蘊直氣概剛方鄉中有事每爲排解年登八秩不扶鳩杖德配林氏尚康健齊眉子二長朝宣次朝新孫六其他日未可量也宗族一切公事則離乎公者鮮矣卽如宗譜兩次修輯公亦不辭勞瘁與諸董而同任焉茲又告竣略叙數言以誌之爾

晉

光緒二十七年歲次辛丑

小春月

穀旦

族甥載之陳銘拜 撰

絡齋公序

公秉性忠厚出話溫和鄉族有事善爲排解弟中林君肯趨公事辛未韋譜身任其勞焉有急需則措資先給之眞所謂難兄而難弟者矣

中塘公跋

公秉姿靈敏出言不苟理衆事而絕阿私待文人而隆禮貌今歲輯譜借獻之舅氏倡率爲先幾經勞瘁焉抑亦卓異中不可少者歟

族甥載之陳 銘拜 撰

卓翁賦階行述

太學生彬文卓翁者諱朝鳳字克翔號賦階中命福山公之令嗣也
席先人厚業經紀門戶整比有條量含宏遇有睚眦細故嘗唾面以
自干而未嘗與之較曲直翁之先世以農起家自翁一出始雅好
儒術恒設家塾以延師課子而束修之靡費不計焉翁富甲一鄉而
淡焉若忘與婁人無異態至於親舊鄉鄰有乞貸者翁慷慨無少吝
而以翁視之直分內事耳噫翁之為人若此不誠難能而可貴者哉
元配鄭孀人善贊藁砧允稱賢內助產子三續李四德風嫻有林下
風亦生有三子有媳吳氏翁次男邦慶妻也真賢淑鍾夫人禮郝夫
人法無少失焉餘媳未娶翁今年踰服官猶勤儉異常性嗜酒而飲
不過量衣冠樸素不爲風氣所移其殆無懷氏之民歟葛天氏之民
歟歲辛丑余主其家訓蒙餽口適值卓氏纂修譜牒至冬十月間翁
之令親貫之周先生余之宗親也一日賈舟至翁家旬余一言以述
其生平余再三固辭不得遂忘己之卑鄙不文臚舉稔誠之一二端

聊誌之以爲風世云爾

晉

光緒辛丑冬十月上海之第八日

穀旦

楊溪晚生邑庠生周景濂拜 撰

以齋翁行狀

性成渾樸貌尙禮文處事則勤出言則慎理文雖未嫻星學術數乙
覽而無遺每於鄉中一有仇達而不中矩矱者心竊鄙之如仇氣概
其如斯也夫蓋其情恃早失炊白夢徵子一僅離襁褓應唱哥彈之
曲以撫幼兒藐息也 君乃躬懷節操誓不續絃以義爲重洵可
嘉也迨令子一邦永內助夏氏已爲尊章矣孫七長濬茂次清華均
成室其爲父母矣曾孫登釗玉立其不凡矣雍比乎家慶其如月之
團圓也

君方年屆古稀步履康強

恩舉鄉賓故

府學

朱公頴其廬曰一堂四世村中人咸推

有一而無雙者焉茲當家乘告成敢述其行以垂不朽云爾

光緒二十七年歲次辛丑

小春月

穀旦

眷弟載之陳

銘拜

撰

濟南氏孺人傳

孺人者 係族舅氏茂園公之淑配也夙嫻姆訓和順性成敬事
尊嫜無違夫子尙能儉示弋縹馬后之風其何多讓乎夫乃年踰半
甲忽失所天 孺人痛切肝腸無心獨活祇想膝下之朝和甫弱
冠次朝鑾僅冲齡舍阿菽盤諸孤其誰撫字乎遂留殘喘忍淚撫孤
不數年而長子朝和成人立室躬勤稼穡貨殖邇遇則生財有道置
桑園購宅第成弟室蒸七乎家道如青雲而直上焉人莫不謂孺人
漸入蔗境者矣尤可嘉者矣其冢君朝和雖未嫻文史而出言可式
能爲一鄉之儔人非 孺人之獲報也其能至此乎茲當宗牒之
告完敢叙巖末以表林氏孺人之不朽云爾

晉

光緒二十七年歲次辛丑

小春月

穀旦

族甥載之陳

銘拜撰

劉氏孺人頌

世之稱賢婦者莫如鍾郝吾今於劉氏

孺人亦有可肖者焉

孺人劉氏者係選齋翁之淑配也淑慎其心溫恭其性其事尊章也敬其與妯娌也睦卽與夫君伉儷有素相敬如賓勞紡績勸中饋默比乎似不能言然也迄今年越古稀爲上也寬慈子二邦垓邦芝均克家之令子孫三應輝應鏡應森均幼學器未可量也且見其猶子邦儒姪孫應煥應錠慈心兼愛亦無異子所生也余溯卅年前館于其廬越三寒暑孺人之素行目及耳聞及今家乘告成局敢有美勿彰也耶是爲叙

穎川氏香圖

贈

節母張孺人序

嘗聞栢舟矢志風詩留姜氏之芳彤管揚麻女史表龍憐之範懿惟
張氏孺人者係朝鶴翁之德配也爾其毓自通門嬪於望族窈窕稱
淑女德全何止言容椒恭侍良人靜好儼如兄弟內助溫也而有度
外人嘖也稱賢而且荆布習勤差肖孟光之德也縈示儉堪方馬
后之風况復冷魚水之懼情齊眉舉案饋牛耕於畎畝相敬如賓正
值歌成弋雁起共警夫鳴鷄不圖曲譜離鸞寡竟傷於別鶴破天邊
之玉鏡望斷墓碣街地下之殘碑辛嘗蓋白青年守志較弱冠僅越
一齡皜雪爲肝算自立尚齡九載幸而玉燕甫投張說石麟剛產徐
陵培就角駒可呈材夫渥水養成雛鳳期耀彩於雲衢也矣茲當宗
牒之告成聊叙蕪詞以垂後

昔

光緒重光單闕之秋

僊川郡庠生樂仙氏倪陳堯

謹譔

穀旦

睦如贊

天姿靈明襟期洒落敬事萱堂友于翁弟加以善于說詞排難解紛
邇遐重有望焉但少孤抱恨終天稍長即持家政遂捐肄業學種植
聚賈其與山野庸七者居良可慨也夫迨宗贊出納任歸堂握矧令
輯家乘善籌持君其盡心力而爲之也幸茲告竣恭疎短引以表之
云爾

對如贊

性成鷲直氣概剛方作事咸宜出言不諱且嘉椿萱並茂棣萼方榮
伉儷諧和丁男蕃衍如斯境遇鄉族中而不多得者矣迄今重修宗
志數月間蒙君披星戴月其勞七而不憚煩也茲方告厥略敘其美
而彰之爾

映春贊

其爲人也性天勁直有威可畏早失怙恃弟式相好克勤克儉井七
有條不數十年齒積錙銖肯構華屋則不憚其身勞貽謀于猶子此

人之所不欲爲者君乃直視以義之所當爲耳美哉難兄難弟之風其可嘉也夫

美雙號說

君名朝琢字克璧昔人謂玉種藍田得雙美璧古詩云得雙美璧成佳偶君乃夫妻偕老孫子衆多與得美璧之兆恰相符也因以美雙爲號焉

贈賢契啓東詞

字其克悟號曰啓東性情快暢姿稟明聰勿從我學竊比神童惜乎失怙棄學荒工經遺伯父日誦胸中步虛聲朗太上職充邇遐請禱兄弟和同下情佈達上格蒼穹有求必應玉郡名通闡揚道法貞一遺風

卓鼎築城記

前清之季歲在辛亥是秋也民軍崛起各省嚮應首據武昌旋得漢陽尋南京各省亦唾手而得舉數千年專制之帝國一變而爲共和之民國矣當南北戰爭劇烈之秋政府既自顧不遑僻縣窮鄉勢難駕馭竊恐山間土匪乘機猖獗擾亂地方愚將靡已於是臨時大總統命令各城鎮鄉區多辦民團預防匪患然民團雖經成立團兵不下數名一旦土匪大至不足以抵禦况乎吾鄉毗連仙承素爲土匪出沒要衝非得萬全之策何以保衛桑梓此卓鼎築城之役所由興焉是役也該地有熱心首事朝和朝官邦昌邦垓邦澄邦河邦純邦傳清茂朝桃諸君會集地內耆老議決請來石匠派就粗工富著出資督督出力尤復相其地勢察厥情形村南都大山山西方起環北方嶼脚趾至東方山脚止二方

內長三百餘畝文

高至一丈二尺有餘。三歲首至民國癸未爲耳。如告竣首事諸君朝則督匠鳩工夜則挨戶催從。夙夜匪懈。衆志成城。其經營之善用。心之微。可謂極矣。工成謀序於予。予觀斯雖非金城湯池。而惟此地形險壯。憑藉有資。亦一村之屏障。倘能固結團體。戮力同心。匪盍何患乎。迴溯創築原因。未始非諸君之克盡心力也。宜乎附誌家乘。留貽不朽。因不揣鄙陋。援筆而記其巔末。俾後來者知所觀感云。

崑

朝波

朝海

邦錢

首事

朝瑜

朝灶

邦貴

允洽

朝英

朝茲

清鳳

中華民國貳年歲在癸丑

重陽月

穀旦

前清貢生現任初等小學校教員松琴薛誦芬撰贈

高三丈二尺五分

從

舞

三級首至民國

為其如告竣首事諸君朝

其經營之善用心

惟此地形

一盜何患

永固貽

